

№ 43 (5265)  $202\hat{5}$  no, октябрь иры<sup>,</sup> 25 яля

СУББОТА

Российская Федерация Ямало-Ненецкий автономный округ `~~`~~`~~`~~`~~`~~`~

Пыдава, пир,

Тохолкова – тарана сер"

Вынгана нисянато, небянато, ядхана вадёнана" нацекы" техэ хэтыр" яхандо ни ха мор". Хахаяда по' хой' тер" нацекы" ед' таславы тохолковам, надимдець. Мале сян ирын, мат, потнако, школан чан на тан на тей тохолковамдо, мэ, на, Тикы, нямна тарця юнм, намдаваць.

ЯЛЯХАД НАДИБЕРНА

СИ" ИВ ЯЛЯХАНА НОПОЙ' СЕРТАБИВА"

Округханана" тюку по тохолковахана няхар" юр" нацекы" мэвы". Пыдо е"эмняндо таславы «Готовимся к школе» нюбета программавна тодо" районха"на тохолковы". Няхар" иры сер ты пэрти" нэсыхы"на, таноцянга"на, пэдъяха"на нобт' ма"люрмы". Сидндет подо' янгода" таня' ядэрмыць.

Тохолковамдо ея мяканато мэ"мэдо'. Ямална" тиңгывна 68 группахана манзаравы". Нарка нидо' сиддо' падна, лахана табедамбавы", хардахана нока нито понгана иле тохоламбавыдо. Тикы хавна падтанговы, пластилинхад хуркари мэкад навэ



сертабавы". Сёбар" сянакобц нани' нивыдо' юрыбю". Харто' яханандо' намгэ вадёнавам', намгэ' то"олха тыто', халэто' танявам', нумда хурка нэвам' манэсарць ёльце харвобтавэдо. Тарем' пыдо' пирувнандо' тасалкурць тохолковы". Харе" яханато нянандо сидя юкад вата нацекы тохоламбада" манзаравы". Ханяны яха"нато' нядангоданэ, табекоданэ школахана тохолкода" нарка нацекы" таравы".

«Готовимся к школе» программа' пеля вымна мюсерта" ненэцие" ню" ед' таславы. Сидя по тяхана округна" нэвахана мэна ерв вымна **н**эдалёро"махад табековнанда надимдевэдо. Тарана инудм' ты пэртя" харто' ваде"мэдо'. Вадандо' хара тарцясь: «Нюна» хойхад то"махадандо' таминдо' падна теневана нацекы" понд'

ереберна"». Падна, толанго рувна тохолко я"мадо'. Тарем' мюсерта" ненэцие" ню" тамна харад' илам' ниня хамедамбада" вэнзер" тохолкоданэ, намгэхэртм, ниня хамедамбаданэ тасламбидо. Пуна тамна тяха сиддо' тарем' тасла"махадандо' таминдо, нерня, ни, на,. Теда, хойхана вадёдана" нацекы" нани' нито' пирувна тохолкода".

## Тиртя нано" тирна"

Нэрм, яханана, идена, салабанэ хэвадо, нодь хахаялма. Ту нано мале нахана ланг, ни, нэкалъядонзь. Та, ямбан, ханяримна нанохо, на нэдалёро"махадана" сидна" нум' ирива" табла. Тиртя нанорихи" сылыва".

Хор" иры, 13 яляхад округханана" ненэця" нюдяко хардаха" тиртя нанорихи"на тэва пирта". Хусувэй яля, хубтахана тиртя нано" ханлава" етри' панна". Тадно" нэрёй синё еся хано нани табламбида. Салехард, тяханяны Си"ив Харв маркартан' нани'

тиртя нанохона нэдалёртава". Итя салабанэ хэва, ёльцянгана нарка ту нано" (паром") нэдалёрць нэвадасетыд". Теда, хор" иры' пудана яля' пиркана ненэця" манзаяхато вертолётхана тэворта". Тарем' нэдалёрмананда" нэб"нанда"

нахакуд билет тэмдаба тарангу. Тикысипой" таславы яханд мер нин тэвангу".

Намгэ пиркана мале салабанда мэёнэ хэ"мяхад посёко машин" хардана" помна нэдалёлангуд". рена".



**Нэрм**, тер, невхы иринато, ила, саирм, нёдавандо, е эмня округханана хуркари тарана няд"ми надимдемби". Тикыто тарабцо иланганандо, нади. Намгэ нянандо, таравам, ерв, тидпой, хонрамбасетыдо. Хахаяда яля, нани, сава юнм, намдаваць.

Ма"ним", Ямалханана" ня"марпада няд"мидо' яңгамдаңгудо'. Мале нани похона нэрм' тер" харто электростанциям тэмдабато, няндо няхар ю ёнар есям тамбангу. Нахат тарця няд"манэ юкад вата сиднтет ёнар" есям, салдамбиць. Станциям, харт тэмдангур, – пуня' миртя' пелям' салдангу". Бензин' мир" нани вадёвы. Нахат си ив ёнарм тамбасеты, теда тикадо юкад вата сидя ёнарнэ хэвысь. Тамна ноб" едэй няд"ма надимысь. Икня нанэрпато хатакарта (посёко) жилет мипангу". Тикы няю нани есям тамбангу".

Тюку та округна ерв таноця мна нэда-

лёрнаць, ёрти лаханакурць ня"наць. Та мальнгана ёнар" пир" ненэця" лаханавыць. Тикы пуд едэй няд ми надимде таславы.

Тарця тарана навэ Ямалханана" 2017 поход ня"марпи", нокханда тикыдо 24 няд"мам терна". Хусувэй хибяри невхы ирината ила саирм, нёдананэ толёбата тарцям, на марпа пирна.

Марина Ярой, падвы

## Мэбете"э"

Салянгарад, тер, мэбе, мыдо, нудаха, на тасламбидонзь. «Северный крюк» пирдырман, товы, тюку та, манзара пэвы экстрим паркхана ма"люрнаць. Сидндет юкад ватарка" ненэця" сянакуць. Сямянхат ва"лёй" Нядангардахана нэванда пирдырман ханда ...


Пирдырманзь школахана тохолкода", Ямальской многопрофильной колледж' тер", наркамбой" ненэця" товыць. Пыдо сиддо сангово"омнато тярмыць. Санговодо нокарка" понд' пыхыдм' падвам' нивыдо' волтамбю". Сянаковадо нанэдя яля ямбан мимы.

ОБЪЯВЛЕНИЕ

Сянакоди" понгана ненэй ненэця" мэць. Нопойдо няхаромдэй по колледжхана тохолкода – Мария Нокэй. Намгэри пирдырмахана нерня, ха"мормада янгувысь, теда' нюртей' мэва ненадумда"ма падарм' ня"ма. Сянаковамда тарем ваде надась:

- Тамбирувнанда пирдырман, харвавэкэдм, тамна сацьри, мер, хацявэдамзь хань". Ненэ юд' мянваць. Сидна" няхар" ян' тярнаць. Мань мэбетаркам, пилю, надамзь, хацяхав" няни тебась, мэхэва мэвась. Санговодо, 60 кила, пир, понгана

няхаромдэясь.



– Ныхы"мани е"эмня «отжимания» сертабидамзь, сидя килатана «гантеля» илыбидамзь. Тикы, хавна мяканани нини" ня пирдырцетыдм'. Тарем' нод" пин' тарпавани нерцю' сейми пинась. Нокдэта Давыд ня, тарпотанинзь. Ихинани пир"манда то"олхав нивась на". Няхани мадамзь: «Сейми пина, я"мава' сер' нав». Няхабини" мэбе"махани пунрыць, нерня' ха"муванда нэвахадани теневана то"олхаць. Янга теневабцо тарава сер' нивысь на", нодь" ныхыр таняя. Маньзяв ныхыми харта танясеты. Не нями

ныхыдырмахана сидя янорэй, нюртей ян, ха"морнась, неками нобтикы ва"лёй, нюдяко не нями сини тотрев' ныхыдырна.

#### - Тарця серм, пяванда няханд хурка табеком, хэтангүн?

– Сини тотрев пыхыдамда тохоламбада ненэцянд, мандадамзь. Толь, тяха, нулманд сер' марцьхаюд сидябты" нерняку' мэхэюн". Мэёвна нулад", няби нудахананд мэйра"мам, «штырь»м, на ам. Плна саликами толь, ни мэңгүн, нянд нудам мэёвна ня маңгүн. Нудар нули" ненза нэя. Нудиди тай хэвня нибто ярё", тасалкода манда: «Тяха мэри!» Тикахад ти, варемд мэтан, сянакодан. Пыхыдахана нядангоб" нани сава, махар, нэд сит нядабангу". Таддикахад ханзер" нэвам, тасалкода" харто вадетадо.

(Пелямда 4 стр. толара")

Анна Яптик, падвы






Ямалхана СВО, няна сайнорта" ненэцие", мято, тер" е"эмня надимдевы" няд"ма"

# Нум' Падарм' ненэй вадан' падвы"

Мале нока ё" тер харто вадавнандо Нум Вадам толаба пирнадо. Маня ненэциена понгана Нум Падарм ненэй вадан тидхалембадина нани таня. Тандая Ямална нарка музейхана ма люрнаваць. Таняна «Тет Маймбабцо Юн Нэдаравы Манзара ма падар надимя нямна лаханаць.



«Четвероевангелие и Деяния апостолов» нюбета падарм<sup>,</sup> ненэця вадан пон падыбавыдонзь. Сидя ю" самлянг по" тяхана сертаба пявыдонзь. Книганда тер самлянг юр" сидя ю" сидя падар" лабас, мюнянда вади" хамэдицавэй", я' падарцавэй" таня". Проектм' сертаба нока" ненэця" няданговы". Пыдо мал вадамдо' тяхасовна теневана", таборци" минаць лаханана". Навна падвы манэсартанэ таравэхэ, Е.Г. Сусой няби М.Я. Бармич нэвэхэч. Сямянхат пыдич вадам теневавэди. Нанито нюв ти": Т.Н. Лар, О.Л. Кондыгина, О.П. Хороля, П.Н. Худи, Н.П. Лаптандер, тамна нани". Тоенана серм' пэрмандо' няю' хэхэ' мякад ненадумда"ми падро ня"маць.

Татьяна Нюдихасововна Ларм, хонрамбидамзь, няни инда ядэрабцом, ваде, нась:

– Неноховавна санговота манзая, ненэць вадам сававна теневабта тара. Теда, луци" понгана илева", ханяны" вадина" луца вада нэсь пэрна. Тикы хавна грамматикам, хамэдамба серо"на. Ехэраб"нанд ханзер" лаханан, тарем, паднангун. Намгэм, пад, мамд пуна ханяны вунида хамэдангу". Нерня Нум Падарм, луца вадавна толаба пядамзь. Грамматикан си ми Анна Максимовна Янгасова хасаи тохоламбись. Пуна етри, вадаривнани лаханакурць пэйваць. Паднабни вада" харто тидхаленга", невхы" юрвы" вада" харто тикавна надиберна". Нюртехэв" нули" сангово" нась, Нум Вада нядани таклада то"олхась. Ханяны" луца вадавна нэда вада вадаханана" яңгу", надьбята тоенаркась. Тарем' «ангел»м' Нум' юне ядэлананэ пада таславаць. Манзаян, тидхал, махавахадани манзаями хайна минзь пэяць.

Нани<sup>,</sup> нопой паднананэ таравы – Ольга Ларовна Кондыгина. Панаевск<sup>,</sup> няд тиртя нанохона товысь. Сита хонрамбидамзь:

- Тюку яля' ма"лёвэхэванэ тянёва", манзаравэхэванэ но-кава", нока ненэць' нядана" пере. Хой' няна мэнид нобтикы нядангу", манзяв нобкарт' теневана нями нисеты хасена". Тэри тарця падарм' вунива" падабю", вадина" хара' явна ханпато' вэва нэ"ним". Пон' манзара"махад вадини" харто' нэвани мюня тидхалы". Навна переводчикнэ хаця тохолкудамзь. Сяхангав' пэрмы сер"ми тамна минрев.







Нюрте"э падангур, тад манэсарць пянгура, несэйвана мэсь таравы нэнгу. Тикэхэвар нарка илека сер". Хар"н вадами мя"лихинани мэтари' то"олхавась, нани' ханяхартана тарабцомда нисетыв хомбю". Тедахав, ёльце сава, тарабцомда хов. Сини нар" нини" ня' вадава" тамна' тяхакуй" нина", нармбэрка" нина" вадахат янга, хусувэй намгэда тарцяхав' то"олха, хаця янгарка, небянана" тотрев' мале нива" лахан". Тюку илангана едэй вада" тара", илебей ненэця" несэй вади мэ"на". Хамэдамбавандо, е эмня пыдо, ханзер" лахана" тарем, падна сидна" табедамби". Ихинани невхы вади лэтрамбаван, харвэян, хибя ехэрэйда янамбовна нядана" нидав тохоламбангу".

Тидхаленгодадо нани я, Корея тер – Ын Суб Сонг. Ямалханана сидя ю самлянг

по' иле. Яханана" иленаханда вадава" сававна тохолавэда. Пыда ма"нисяв: «Манзяв мале ненэця, вадавна ибедорта то"олхадм'». Ява" ёльце мэнеда, нэрм' тер харта нядрев' пэръяда. Ненэця вада хавна тет вадам' тенева. Сянакова" ялэ" ёльцянгана хой, няд туртахат хонарковы, падвыто хамэдито танявам', нивам' намдарамбавы. Хибяхав намгэхэвм, нибта хамэда", нянда манзь пэрмы: «Ноб" хамэда я"мав, несэяркавна падва сер нэвы». Тикы хавна няби" нида вынд' нэдалёрмы", мюсерти лаханако ня"мы". Нобизер" хонарко"махадандо падарто нули сававна луца вадахад ненэй вадан, падвэдо. Сита нядабавы" нита ед тарця вадам' мэ"нась: «Паднана" нини" варемдо, мэ наць. Манзаидо, тид" на", толабаб" нензел". Хусувэй няданговы няхани сава вади нэдарамбидм<sup>,</sup>».

Падвыто' хавна хуркари" приложениядо таня". П.Н. Худи няби Л.О. Окотэтто толангоданэ таравэхэнзь, пыди' вабцади' тикан' падвыць. Толанго нутанд янгоб", мутрамд нэнгун, тикэр харта лаханангу. Толаба, инзеле сава. Пётр Николаевич нули" явнанда мась: «Тарем' манзаранахана" вадава" илелй", хэбидя индадм' ня"ма».

Проектм<sup>,</sup> минренан<sup>,</sup> тарана — Нум<sup>,</sup> Падарм<sup>,</sup> тодо<sup>,</sup> тэнз<sup>,</sup> вадаха<sup>,</sup> падыбада Институт. Манзаяндо<sup>,</sup> малда ни на<sup>,</sup>, тамна<sup>,</sup> тяха<sup>,</sup> минда.

Анна Яптик<sup>,</sup> падвы



## Пыдава, пир,

Хор" иры' юкад вата самлянзимдей яляхана нопой сава нява" нарка соя"ма ялямда мэ"нась. Хатяко Мэйкович Езынги' си"ив ю" самлянг поданда хаясь. Я' мал' няна сита ехэрана янгу. Ханярина сававна теневадо'. Иланда ямбан' янда ед' сертавэда нока.

Маня" газетана" тернэ сита нобтикы хомбасетыва", лаханако няцетыва". Пыда ёльце вадам' теневана ненэця', падыбадина" нобнгэв' толабасетыда, сомбоковна манэсарцетыда. Ханянэхэна намгэхэв вада' харам' юрбат, няданда хонрабат сяхари' вадада хамэдёсеты, хэтувндада ноб" танясеты. Лаханабта тидхалё лахана. Хэтвэда минаць яханда теберна. Табекохота хибяри" хибя" инзеле".

Хатяко Мэйкович 1950 похона соявысь, хой няна вадёданвысь. Мята тер" ты пэртя", ханена" нэвыць. Вынгы иланд нюдя нэдаханда торомбэй. Надьбята ненэй ненэцие" илангана намгэм ханзер" савумда, несэймда таравахад ноб" теневавы. Илна" саирм нерня минреванда е"эмня, нида нядабаванда е"эмня нисяхаютанебяхаюта табековна тохолко-

ванзь хэвы. Яр-Саля' школахана, училищехана тохолко"манда пуд армиян' хэсь таславэдась. Пуна яханда пуня' товы, Ямальской районхана нэда" партияха"на манзара пэвы". 1978 похона Новой Порт харад' депутат" Совет нэвахана мэнанэ тэравэдо'. Тикэнда пуд «Ярсалинский» нюбета совхозхана зоотехникнэ, нарка зоотехникнэ таравы. Тарця серт' Тюмень' няна тохолковы, 1983 похона малевэда.

Янда тер" илам савумдамба варемда мэ"мы. 1989 похона Ямальской райисполком нудандананэ тэравэдо «Ямал-ню"на я!» Ассоциациям надимдембавандо мальнгана нани ёльце няданговысь. Тамальнгана нэрм тер"

ил' саць тоенавы, таславанда сер" нока нэвы. Надьбята мал' нобт' ма"лёхоя, нопой ныхым' мэкая ты пэрти", халям' хадабади", ханени" серо тасламба пявы". «Организация» до' 1989 поход таня. Нюртей нермпэртядо' Сергей Николаевич Харючись. 1992 похона Ассоциациям' Хатяко Мэйкович ня"мадась.

Округна" Государственной Дума' няхар" созыв' депутатнэ тэрабавэдо'. Яна" нэвахы табеком', илангана тарана вато падыба няданговы. Ненадовна ты" пэрти" ед' нэда ватом' тидхалембавы. 2004 похона Ямалхана илена" ненэй ненэцие" ила саирм' лэтрамба тарава' нямна диссертациям' падвысь. Социо-

логической наука" кандидатнэ толы. Тикы хавна пэрмы манзаяда нули" нока, ваде"мыни тамна пеляридо нэнгу". Яна" ед нарка таром ха"аврамбаванда няю хуркари ненадумда"ми падро, «За трудовое отличие», «За верность Северу», «За вклад в развитие Законодательства Ямало-Ненецкого автономного округа» медаль ня"мась. Ямал ненадо ненэцянэ толы.

Теда' пыда тамна манзара, Ямальской район' нэвахана мэна ерв' табекоданэ тара. Хусувэхэт хой' ня' мюсертаха" тэворна. Тандая' манзара пэвы иланд' тидхалемби. Табековнанда тохолко хан"мы нока. Намгэри тасалкова", пирдырма" нэва' ёльцянгана сита ни" юрыбю", ханяри ханзь пэрнадо'. Мяд' терсавэй, пухуцянда ня' тет нюм' вадавэхэ', нюди' мал' тохолко"мидо' таня", манзаясавэй", нацекэсавэй".

Соя"ма' ялянда ед', маня" газета' тернэ, нянда сямянхат сава вади нэдарамбива": «Хатяко Мэйкович, сензан' на", мят' тер" сенз" нэя", манзаяр нерняри' миная, илангананд хуркари" илека" сер" таняя". Юнар яна" тингывна етри' ядэрная».



### Мэбете"э"

#### (Нердена пеляда 2 стр. на)

Мария мале сян Нокдэта нямда нянанда тэвравысь. Стелла (не няда) няби Давыд тэри сырманзь товэхэнзь. Манэ"мыдо Эльвира ваде"ядась:

— Манзяв теневадамзь, тарця пирдырма нянани тоенангу, няни нопойринэ мэвангад ядэрнадамзь. Хаця пирдырнадамзь, сян си"ми пирдаленакы". Сырта" ёльце нокаць. Нани си"ми ханзеты", нани выдарасетыдм. Ныхыць таравы нэ"нив. Си"ми ет хонрасеты": «Хурканэй? Перехэва перен?» Марияхав неновна мэбе"на, танга пэръядась. Екар" ныхыда ханяд таня, пыхыдамда ханяхарта-

на тохоламбдархада нисетыда на». Ва»лёй нэвахаданда теневадамзь.

Пыдо' хавнандо' тикахана мэвы" нокаць. Колледжхана тохолкода", Броднева' няна илена" сиддо' маниенандо', «воспитатель» ндо' ня' товыць. Лукман Гаджиев нацекыда ханяри' тэволэйда, ядэлэйда, надибелейда. Тохолкоди харта нюдрев' пэръяда. Нябихи" нат нисяраха. Етри' хэвханандо' мэсь пэрна. Эльвира вадамда тамна' тяха' ханада:

– Таро"манзь ханангуда – таро"махана ва"лёй" нэвы" нэнгу". Пир"намдо, нёмдо - пирдырманзь тута". Нобнгуна дартсан тэврамбидась. Мале сяндо тедалахана турцеты".

Тамальнгана дартсм' сава сянакубцнэ манэ мэтмэдо'. Таремгав' воспитатель' манзая нензел" вуни на", маниенида нарка" нэ"ним", харвабта, ханянэхэна нинякы" инзеленгу", навэн' ядэрман' харвангу". Тюкохобид мунганда намдор"ним". Хусувэй категорияхана нерняку ха"мыдаць, нудандо терад ня"маць.

Мария не нянда ня' пыхыдади' тохоламбуванзь пяванзь мэнаха'. Нопой си"ивхана няхар" мэва' залан' ядэртанаха'. Нерняри' нэб"нанди' я' тингывана нэда" пирдырмаха" тэвортанаха'. Давыд няби Эльвира дартсхана сянакоднаха', тикы серти' тяха' минренгуху'.

## «Няръяна мяд"» манзарана"

RMARO-HERERERI OF

BARKEN BRITERIUS OF

BARKEN BRITERIUS OF

BRILLIUS BRITERIUS OF

Ямал' ня' Совет" ила' това' мальнгана невхы илма" янамбовна несэймданась. Нарка таром' тикы' е"эмня «Няръяна мянэ» нюбета" минревы". Таняна манзарана" нокамбой пелядо' илебей" ненэця" нэвы". Вынд', ёрти" таноцянг" комсомол' серо ня"амбада" сиддо' нэдабтамбавы". Нерденидо' 1920-й по" пиркана ненэцие тохоламбавы". Нарка сайнорма сиддо' хаця таблавы. Нылека саю пирдалевандо' пуд едэй илам' сертаба нани' пявэдо'.

комсомольская путерг

Ольга Тренина (Иванова) Яптик Хасевком, толанго тохоламбида.

Нопой тарця илебей некоця - Ольга Александровна Тренина. Пыда 1958 похона нани нита сер' Ямал' няны вынд' тохолкова серо нерня' минреванзь хэвы. Тамальнгэхэд мале 67 по" хая". Теда' мале нармы ненэць', Салехардахана иле, няхар" ю" по" ямбан' Округна" санаторно-лесной школахана нацекы тохоламбаданэ таравы. Техэ ялэда тенад тензебтембасетыда:

- Тиртя нанохона Новый Портан тэвываць. Саля яв' лангхана сидна" хаець. Таняд харад' ёльцянд тю у пирцяка я хой ни тантаваць. Нули" пэдэйваць. Нердена пи хонё яхартава" янгусь. Колхоз конторахана нарка бильярдхана сянакось, толь, нина юсибтэйваць. Тарем' нод" ихинана" нарка серм' минреванданэ пыхыдана" тасламбиваць. Няби яля хубтахана Марра-Сале таноцянд юнохона подермы ханхана нэдалэйваць. Ненэй мядо" хэван палатка ява мяраваць. Тохоламбадини" – 38 халям хадабада" хасава". Паднабцям' ня "амба, толанго тоходанаць. Нодь" ялэманда сер' минхандо' ватангованзь хэсеты". Таняна ня амвы халэдо' тэнзато' сер' тяртыдо', таноцянгандо' тэврангудоч. Пэвсюмяч нярина тохолкованзы ма"лёсеты". Ханянэхэна хусувэй яля турць я"амсетыдо". Тарем' нод" варемдо мэцеты". Паднабцям' ня"амба нянандо тоенаркасеты, ханюй икана хулцоторць торомбэй" нудито тарка пярха, нэсонодо собкавэрха

Юнета паднана, Леонид Васильевич Лапцуй, нопой манзаяхананда нани нули

Нэрм<sup>,</sup> яна<sup>,</sup> тер<sup>,</sup> тохоламбаданэ манзараванзь тюку падарта сер<sup>,</sup> хэвы.

тяхасовна тамальнгы илам ваде мэдась. «Пэмбад ний пэн падвы вада рассказхананда луца пирибтя иле мям падвысь. Пыда нобтикы ненэцие падна, толанго тохоламбавы. «Навнанда яхана едэй илам



сертаба сидна" нядаванзь ёльце хубта яхад товысь. Иланда тэри нидась садас", пыда хусувэй хибям' падарт' тохолаван' харвась...», - тарем' Зина нюбета некоцям' саву"надась. Пыда' илангананда тамальгана нарка серм' минре няданговы" илебей" ненэцие" таром' манэ"лабтавы. Тикы' хавна иринана", хаданана" ханзер" едэй илангад, ехэрана мутрахат тосавамдо' надимдевы.

Тамальнгана ты пэрти" нэсы"мана, ёрти"

таноця"мана нока комсомолец" нэдалёрнаць. Пыдо' ликбез' школа' манзарананэ тараць. Манзаидо' пэвсюмя' няна, ненэця" мякто' ма"лёва' сер' пясетыдо'. Ханяны" нули" сававна инзелесеты". Нанидо' манзеты": «Манзявана" нянана" намгэ тохолкова' мян. Тикы' хавна манзаява" нока. Таросяда сер"».

Тохолкова хавна ненэцие едэй мутры мэць нядабавыдо. Ланзякм мэць, лат халтамба тохоламбавыдо. Хусувэхэд сиддо лекар вэдепавы, мядото мюй таборцявам манэ сармы, сенз нэвамдо лэтрамбавы.

Нядаңгарад' няна илена Окотэтто Светлана Ходевнам' 1960 по" пиркана ңэвы серо" нямна хонрамбивась. Пыда небяюта, нисяюта иле"ми тензебтесь: «Хане яхатато пуня' мюсена" ханена" Сандя' яха' хэвхана нобт' нэсонгасеты". Нопой яхана мале сян мяд" тер" илесеты". Няръяна мядм' мэта" нобтикы таня' нэсосетыд". Понганандо' ненэцие тохоламбада мэсеты". Газетахат едэй юне толабасеты", кино надимдембасеты". Нисями тамальнгана пидте"мямда падаркана падыба тухусь. Луца' вадавна лахана пирнадась. Тикы' хавна нысма" вадам', пяко" вадам' нани' теневадась».

Ти, тарем, Нэрм, яханана, едэй илам, сертабада, манзаямдо, нерняри, пэрмэдо.

Галина Окотэтто, падвы

### Тохолкода" е"эмня

Ямалханана" нарка классаха"на тохолкода" «образовательный сертификат» нюбета есь" нэся" падро ня"мавыць. Тюку по' хор" иры' юкад вата самлянзимдей яляхана мипа таславыдонзь.

Тикы серм' 2020 поход минредо'. Округна" нэвахана мэна ервана" табековна сертавэдонзь. Танок по" ямбан' мале нока" школахана тохолкода" таня' пыхыдадо' падыбавыдонзь. Ханяны" ня"мавы есьто' нэсям' няд"мяць экзамендо' сававна пэрмыдонзь. «ЕГЭ»м' падыбабто' нензел" нэвысь. Нацекы" тэравы" предметдо' тяхасовна тохоламбавыдонзь. Тидхалё тохолковандаха"на тарця нядангова саць таравысь. «Вуз»хато' танга тохолкованзь ханмыць.

Теда' школахана мэна" илебей ненэця" таня' падродо' нэдабтавыць. Нокханда мат" юр" хасава юр" сидя тохолкода" пыхыдадо' падвыць. Понгадандо' няхар" юр" тет ю" нацекым' тэравыць. Тохоламбавандито' сер' тярпавыдонзь. Тэравыдо' тарця": обществознание, физика, математика, тамна нани". Тикы' е"эмня етя конкурсха"на сидто' манэ"сармыць. Наце-

кы" тохолковаханандо' ханярина, хуркари" серка"на, олимпиадаха"на мэ"мидо' надимдембавыць. Таддикахад «ОГЭ»м' падыбамидо' нани' таравыць.

Тарем' тодо" марка"на, нюдяко" хардаха"на тохолкулва' мякнато' варемдо' мэта" тохолкоди нядабидо'.

Руфина Нокэй, падвы



## Деты патадмана тоходку"

Ненэй мякна тоходкота" нашкиуде" патнаш мэтатун деты патадтун нычимя. Патадтун ним «Вивтанауди». Деты тетрадьтон нашкиудехе"на дёльше вильна, мэкат, неньшад. Чики проект, Калпюдкай «Росинка» садик, мансдям минлена Людмила Казымкина шедтамы".

Людмила Владимировна маньшту, вынкай мякна найта садикхана" мэна" нашкиуде" тадьша патду" мэш мед патнаш тохоштоны". Чики патадканантон хампдянк тапачад", чикимана тун тоходкоштоны". Деты шедтамайтун «Авка» нимита кочевой, группатон манде тадыша рабочая, тетрадки" няамна. Тат недьнян деты патдотун мэш патнаш тохоташтоны".

Чикин камна вынкай садик, мякнатон кудкади" тоходкош мэчитун намыдётун тадя". Нюча" нашкиудехена" тальша нинди мы" мэш тоходкош дёдьше вильна. Тадям майпёш садик, мяктон к шту". Кочевой группахана воспитательнэ мэна Луиза Каткилева маньшту, нашкиудеэ" патнамам ха'шанона", апликации"

шедтапёшту", шутпядсхи" дюньшидешту". Кадпюд няна вынкна мат, кочевой, группа,. Ненэй мякна садикха"на нопшеды няхад дюкат ва та кашем дю" нашкиуди" тоходку".

Тадьша мэкатамна шедтамы патдо" вынкна найта кочевой, группа" таамнатун няамнана". «Вивтанауди» шанкмян нашкиуди" тоходаны". Тай"ня вивнутута" нашкиуде" хомана школахантон нанатандят.







## Хомана нятаку"

Нука намым шедташту». Дёдьше хомана нятаку". Кадпюдкана дидина" неша" специальный военный операцихина хайнодта" нена" нятапи". Нятакота" ни" на мэна" хаймыхи" найтапташтутун.



Кадпюд чед" неша", кукитун нятакоман ха'на", нопт номшту". Надка неша, тоходкота" нашки" чупей нятакошту". Кадпюдкана дидина" «Харампуровские феечки» нятапёш кукят вешай банки" номташту", ныдит парафин, свечки" шедташататун, ташту". СВОхана мэни" нятапёма вивнут Валентина Явид комы.

Валентина Алексеевна Кадпюдкай школа-интернатхана технологии учительнэ мансдана. Таньше нятакомантун мэт кадтанта чел" нета" пы'та нельчеэй номтадяташ. Валентина Алексеевна волонтёрнэ Гуманитарный Добровольческий Корпусхана мэна. Хайнодыш СВОхана дятадамы" нятапёманта мэты госпитальхи" кэштуш.

Недьчеэй таньше мансда чепьмантун дёдьшкат «Харампуровские феечки» кадьтун хэйтудаш мээвтатун дяднасатон тэмташту". Пимшата" ни" хаймыхина" мэни" нятапёш нука намыдю" шедташту". Лекду" мякна мэна" хайму" панэт, пемат, пюмят хэйташту", пудтатун шедташту", вавутун танкат хэйташту". Кадпюд чед" неша" хайму" намдат няню" матудкадяш касташту", ночи" номташту". Тальша" намал" нупчики хайнодтахана" тадана". Чикин камна кататат – окопные свечи" шедташту". «Харампуровские феечки» хома шоньшахана мансдашту", пы'тон манде нука намым хаймыхи" найтаптанаш". Мятун нянат найтаптамы" намыку" няампатон хаймыхина мэна" нена" мадяштут.

Нука тэмс неша" таньняна мэна", мед нэхэдтана", тай"ня мед мяктун тэвнадят". Тадям таньше нятакома хома.

# Няр" Пуци Тэта

Тюку ярабцм<sup>,</sup> 1948 похона З.Н. Куприянова Нельмин Нос нюбета хардахана Явтысой Алексей Михайловичхад намдавэда, падарт<sup>,</sup> падвэда. Пыда ёльце сюдбала нэвы. Тамальнгана И.П. Выучейской<sup>,</sup> совхозхана юне лэтамбаданэ манзаравы. Пэвсюмя<sup>,</sup> няна мякананда ненэцянг<sup>,</sup> лаханако, сё мэцетавы.

Пыдара" е"эмнянда" З.Н. Куприянова падвы сер хаеваць. Толангобта", Канин вынгана илена" ненэцие" вада хэтырм намдана то"олхада" нэнгуда". Вадина" тэнз" намгэвна янгавам харта" таслангура", хамедангура".

## (Нердена пелямда 40, 41, 42 номеркана толара")

Аворць мале"махадана", вэсако ма:

— Пухуця, нют ва"вдамда ми"!

Лэркабт<sup>,</sup> вэсако харта эсон-ганда масьню<sup>,</sup>:

— Тюку ацекэва" Яв' Ханин' ню нинерха а". Сеюв хэтмбида!

Сёбядан ня "ма, лата ни си "им пархална. Лясё ха "мыв ". Вэсако мальцянда пан ылад харм тюхулна, арка харм хоркан ванган падалнада. Макоданда син сылы вахалй ", пыда масьню":

— Тю"уй' нин, тюку ацекым' хадангув', нив'?

Мань инян мам', масьтым': «Тю"уй нида мамбто: «Ацекым нёр хада"».

Вэсако си"им эдара. Ань ва"ван амдыв". Вэсако хармда неры э"мада пэнгада. Маня" хонэйна".

Пи' ямбан' нема вуни харва". Пили" янабовна ярнам', пили" ярнам'. Инян мам': «Тарем' пяба"н — хавндархам'».

Пи сеңгава". Хув' юркына". Тебта' няна вэсако нюнда масьню":

— Мерку<sup>,</sup> тыд мят<sup>,</sup> тоя<sup>,</sup>! Няр эдалёван<sup>,</sup> харванакы. Янда по<sup>,</sup> хубта.

Нюда юркы", пин хая. Тыдо мят то", нултангу", мэтиняв мэда. Вэсако нюнда ма:

— Нят мэтаха" мядонзэдамда мис"! Нисяда мандава: нюв мядонзэдамда тавы.

Ылекарка<sup>,</sup> ню вакана ты<sup>,</sup> понгад самлянг тай сэрм<sup>,</sup> тэра. Нензаминдян сэлха хорхав сянта. Вакад тарпрэйда, нян тайда, масьню<sup>,</sup>:

— Тюку" ты" мэтид эя"!

Мань мэян, ханув подерпа пям', инян ули" парумбим'. То"ман няю' санов хэсьты. Вары пелеюв подернам'. Ылека' ню хорхан тет пелей инян' сярыда, ти ма" нив":

— Тюкуд вадан"!

Ханан маханий хэван сярын, то"ман няю санов хэвы. Эдалёда мина. Ули" сатавна эдалы. Самлянг парисе"эм нусь питарпида. Маниеба"н Яв Ханин эвы. Мань тарем мам:

— Ылека' ню, тэкы хибя эңгу? Пыда таня' ёңадай". Тикы эдалёда тось пя. Мань ули" мертёвна иням' вэрдам'. Иням' пин"там', эдалэюв". Яв' Ханин пыда тёрей", ма" нив":

— Сусуй ацекы, ули" ния хань"! Ня"ма тара!

Нивэм' тоса". Ылека' ню си"им пуний вадна хабтехэд ня"ма. Самлянг тай сэр" тэми нульяд". Ладорпин, нэкалць я"мадо'. Тарем' мэнанда ули" петембин, тым' эдарабтада, хаям'. Си"им эдарабта, Яв' Ханин пыда маманонда:

— Тедава<sup>,</sup> пили<sup>,</sup> хая, Сусуй ацекы пили<sup>,</sup> хабцянгаданда хая! Теда<sup>,</sup> нива<sup>,</sup> тэвнгу<sup>,</sup>. Тарця сава ты

хана! Си"ив яна" ниня тарця" ты" яӊгу". Пили" хая!

Тикы хэбя"н ирий эдалым. Сэлха хорхан эварида яры Яси хоб" пензявна ха"мсеты", пензявна танасеты". Ясавэй ты эвы! Ирий эсонгана хой ни нултав. Нерня, сырнам, Хой, ылня лабта эвы. Лабта, еркана мя, таневы. Ули" арка"я мя" Тикы мяд хэвхана ю" ёнар" ты эвы. Инян мам': «Амгэ мя" эбта?» Инян мам': «Амгэри эя!» Хой, тэлувна эдалэюв. Мят тэвыв", нултав. Сэлха хорхав пой утот нулй". Ханан пуний тёндерт, харцарабтэюв, Хибярт пин' ни тарп". Инян мам' «Илена" янгодакы"».

Тябихурць пяв, ха"мыв". Ханув пой утот сярам. Мят ядальюв". Мят тюм. Мякана вэсако, пухуця апой хорецямди пидку"наха. Синяна не амды, сэдора. Инян мам: «Не нюди эдакы». Вэсако масьню":

— Амгэ вэнеко тю? Нёва» талара».

Не нюда масьню":

— Вэнекова" нинекы а". Хибяри мят' тю.

Вэсако эвамда ила. Пыда масьню":

Хибяри товыню"!

Вэсако эван малхад арвын эсонд си им манэсарна. Пыда масьню:

Едэй вадара ацекы тумдва серта янгу.

Инян мам': «Ханзер' хэтӊгоба"н?
— Ирт' хэтцув!»

Мань тарем' мам':

—Авнанда Сусуй<sup>,</sup> нюм<sup>,</sup> а<sup>,</sup> ниседум<sup>,</sup>. Няр<sup>,</sup> Пуци си<sup>,</sup>им вадавыць.

Вэсако масьню":

— Тарця танясь, нисяр Сусуясь. Юд" по' тяхана няр" Пуци нисябт хадаць. Нисят ты ханаць, илебцябт мал' ханаць. Яда тосанув'?

Мань тарем' мам':

Эдалё томанзь.

Вэсако масьню":

— Эдалё тобат мэтид эдан", мань нядан ули" нён пин", мань вэван ним харва".

Мань юнрам':

— Хибян эбат?

Пыда масьню":

— Манзьван Сэротэтам<sup>2</sup>. Тад о<sup>3</sup> Ылека Пуци мань яхан ни тут". Мань яхан тось эвадаладо<sup>3</sup>. Пина<sup>3</sup>

Тадикад пин' тарпыв", мэтин эдам'. Вэсако пин' тарпы", хэвхан то, пыда масьню":

— Самлянг тай сэр" ты мань тын эвыню". Мань Ылека нюн ми"янась. Ылека ню— мань нюв. Сэлха хорха мань хабтев, вэсако Ылека Пуцин ми"ивась.

Мят' тюни', ед пи. Авор"-махадана" хонэйна". Пи' сеңгава". Тикы яхана мань ирий' илем'. Тэ"на мэсьтым'.

(Пелямда надиманда газетахана толара»)

3.Н. Куприянова<sup>,</sup> ненэцянгат намдавы, падарт<sup>,</sup> падвы





Ханяхавана, нэрм, я, някуна мале сыранэ хаясь. Идеда салабанэ хаер" нумгана ныхы ян

ябере". Ты хора" нахана селваць. Нямдодо пыв мерця мале сэрнэ сертэйдась. Ненэцянгана тарця нув мянувнанда нани ёльце сава. Хаерта яля тю"уна на, саць ни тецю".

тер". Пыдо невхы иринато ила саирм нёда". Теда сыв' мэлвахато' нись паромба мюсе". Мюдхана мэта тыто хэва сава, надьбята нод пуйхана мэна танга нявоты". Ихиня тарця нэбата сава ны"нив". Сельбя, нана ханзохона намзидо, танга мимбидонзь. Сыранда торарка нэсь ты" хадырпато, хадохонандо минха нядан тэворна. Минбато ненэця тэри ни намдю. Хусувэй яля

намгэхэв едэй навэ сертаби". Нэсындо ерв вэсако ханамда харумдамби. Тикада хасава манзаяхата тяхамась. Нарэй пявэда нэрёй сыраханда тэвы". Сяхаринда тарця ни нэсету". Теда, сидя, яля, сер, едэй ханамда нултангуда. Ямдаб"нандо тандая мивы нэдалёсьм мэ лангу. Няхар сэр хабтхана, едэй ханхана мюд' нэвахана тэри няваталангода. Хан мимбавари вуни на", тикыта хавна тамна нэсындо ядхы тохона ватангода. Тандая ватавы

Сидянгаха"на маниена" ненэциеда" - Тасу яв



Хобцоко" ⊲₁

Таслара", хурка вада" сюры"?









X=K













Татьяна Сэротэтто, сертавы"

Газета «МЯЕЗН АНКАЧКН» Главный редактор ЯР МАРИНА Тэтакучевна

И.о. генерального директора АНО «Ямал-Медиа» Чигиринова Елена Константиновна

№ 43 Подписано в печать 23.10.2025 г. Вышла в свет 25.10.2025 г. По графику: 16.00, фактически: 16.00.

подписные индексы: на год – ПА701, на полугодие - ПР562.

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559

Тираж 3600 экз.

Заказ № 1400 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ, г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО. г.Салехард, мкр. Богдана Кнунянца, д1, каб. 106 тел. (349 22) 4-53-32

E-mail: nn@yamal-media.ru

V.XX.XX.XX.XX.XX.